



UNIVERSITÄTS-
BIBLIOTHEK
PADERBORN

Universitätsbibliothek Paderborn

Rationis Latomianæ pro Incendiariis Louaniensis Scholæ Sophistis redditæ, Lutheriana Confutatio

Luther, Martin

Vuittembergæ, 1521

VD16 L 5765

Ihesvs. Integerrimo Viro D. Ivsto Ionæ, Collegii Ecclesiastici
Vuittemberg[en]sis]. Præposito, suo in domino Maiori. Martinus Luth. in
Domino Salutem.

urn:nbn:de:hbz:466:1-36803

I H E S V S.
INTEGERRIMO VIRO D. IVSTO
Ionæ, Collegii Ecclesiastici Vuittembergen.
Præposito, suo in domino Maio-
ri. Martinus Luth. in Do-
mino Salutem.

*Alons Wil-
berga Luthery
scripsit hunc
maledictum
librum.*



T EGO magistratui tuo recens inito
suauissime Iona, gratulari cupiens, cum
ipse adesse non possem, statui hunc La-
tomū meum ad te mittere, non iam eū
qui linguarum peritiam calumniatur.
Concidit enim iste IESBIBENOBVS virtute Abisai
nostri, ne quid metuas, Sed nec eum, qui malignis mo-
destiæ fucis & inauspicatis vocum versuciis Louanien-
sium incēdiariorū crimen serus patronus iustificet, quē
te credo vidisse hominem scilicet gloriantē in DOMI-
NO PAPA ET BVLLA EIVS. Eum autē mit-
to, qui Lutherano februo lustratus mitius habere videt,
a lamiis & lemuribus, quibus hætenus agitato, agita-
reque solitus est pia corda. Si hanc rationem in tempore
reddidissent, & ante factū, vt decebat sapientes istos vi-
ros, consulissent. libellos meos neque damnassent neque
exussissent. neque nunc stultorū more post factum demū
consulerent, tantū me, spero, effecturū fuisse. Satis me do-
cet hoc libro Latomus, quā facile fuerit illis absente Lu-
thero, in suis angulis garrere. hoc est hæreticum, hoc
est erroneum, quod in publico nullis freti viribus ausi
fuissent attingere. Denique persuadeo mihi, nō fuisse vn-

ADVERSUS LATOMVM.

quā prodituram hanc egregiam rationem, nisi bulla fiducia eius inflasset, qua gloriatur Latomus suū factū comprobātū, somnians adhuc bullarum antiquos antiquatosq; terrores, atq; hinc orbem suo libello pauefactum confidit, vt audeat iam sine timore in Lutherum, tremendis dei scripturis ludere. At ego nollem non probatū tale factum tali bulla. Rursum, nollem me nō damnatū tali bulla, Omnia belle congruūt, bulla, causa, Iudex, patronus, a quorum consortio & contagio seruet me dominus Ihesus & omnes pias animas. Amen.

Non facile vero credas, quā inuitus a literis pacificis Christi, quibus me in hac pathmo dederam auulsus, verpricosi & senticosi Sophistæ nugis legendis tempus impendi, videns hominē a planta pedis ad verticē vsq; sophisticum, tum Bullæ vesica turgentem ea confidentia scripsisse vt iā nec diligentia nec iuditio sibi opus fuisse putarit, contentus effutire, quicquid vel legerit vel in buccam venerit, Quibus molestissimū est respōdere, vt in quibus nec ingenium exercere, nec eruditionem alere possis, & tamen optimas horas perdere cogaris. Suspicio hominē credidisse Lutherū, aut e medio sublatum, aut perpetuo silentio damnatū esse, quo rursus libere publicum occuparent tyrānide sophistica, cuius immineat ruinam non leuem meā culpam faciunt, atq; vtinā plena esset ruina, vt plena hac culpa, septies irremissibili (si sanctissimis bullarū pontificibus credimus) peccare liceret in mortem vsq;.

*in arce
wartberg
A. 1521.
8 Junij.
post quem
diem 21
Junij ha-
buit dispo-
sitionem
de missa
cū diabolo
in qua se
ab eo vultu
fateh m
Libro de
missa an-
gulari.*

Verum Lutheri
di istum
quasi p. l. r. d. u.
intervallu

Calumnia
fista ex ira
et vindicta
in papam q.
sp. d. m. n. a. t.

Vereor autē ne dum de gratia & operibus bonis fortiter pugnamus, interim & gratia & operibus nos ipsos priuemus. Ego quidem intutus horrenda ista iræ tēpora, aliud non peto, quā vt dentur fontes aquarū capiti meo, vt flere possim vastationem istam nouissimā animarū, quā operatur regnum istud peccati & perditionis. Sedet portentum Romę in medio Ecclesię & venditat se pro deo, adulantur pontifices, obsequuntur Sophistę, & nihil non pro eo faciunt hypocritę, interim infernus dilatat animam suam, & aperit os suum absq; termino, & ludit Satan in perditione animarum. Nec in nobis est, qui serio & cum lachrymis stet in die furoris huius & opponat se murum pro Israel. Hinc plenus indignatiōe in istos sacrilegos Latomos, qui in his seriis sophisticant, & nos meliora intermittere, & suis insanis insaniis occupari cogunt, imprecor in durissimas eorū frontes illud, Erubescant & conturbentur omnes inimici mei, conuertantur & erubescant subito.

Sed ne longiore Epistola te morer, ad Latomianę præfationis capita alio principio respondebo. Tu interim hoc mei in te animi testimonium agnosce, & roga dominum pro me, vt & ipse liberer a malis (sic enim nūc audeo cum Apostolo) & infidelibus hominibus, qui sunt in ista Babylone, & ostium mihi aperiatur in laudem glorię gratię Euangelii, filii sui. Sed & ego dominum oro, vt impartiat tibi spiritum suum, quo decretales Antichristi pestilentissimas, quibus docendis mandatus es non alio studio profitearis, quā quo tibi dixi.

Nempe vt sis Aaron & vestibus sanctis indutus, hoc est diuinis scripturis munitus, apprehenso orationis thuribulo procedas in occursum vastatoris huius in medium incendium istud Romanum, quo flagrat orbis prope diem alio incendio de cœlo per aduentum saluatoris nostri, quem expectamus extinguendum. Ita mi frater, facito, ut doceas dediscenda esse, quæ doces, & sciant fugienda sicut mortifera, quæcunq; Papa & Papistæ statuunt ac sanciant. Cum enim vi non possimus hoc publicum orbis malum abolere, cogamurq; has sacrilegas Babylonis prouincias, administrare, hoc reliquum est, vt sic administremus, vt eas lōge alias & patriæ Hierosolymitanæ aduersarias vastatrices & insatiabilis crudelitatis hostes intelligamus, ne cum iis qui pereunt, in quibus opertum est Euangelium gloriæ dei, captiuitatē nostram etiā rideamus & palpemus. Nec leue puta ministeriū tuū si iuxta Papæ excrementa venenosa, & insanis, insanias salutare & viuificū Euangeliū Christi composueris, vt iuuentus habeat antidotum aduersus hoc virus, cuius odor etiā occidit hominē, donec discat per sese reprobare malū & eligere bonum. Is tibi esto cōmendatus Emanuel. Confortare igit & esto robustus, & Baal phogor, istū ne metuas, cum vix sit Baal zebub, hoc est, vir muscæ, si credimus tamē, quoniā Iesus Christus est dñs benedictus in secula Amē, q te & ecclesiā suā apud vos perficiat consolidetq;. In quo vale. In loco peregrinationis meæ. Octaua Iunii, M. D. XXI.